

永和縣志卷十四

祥異考

國家將興必有禎祥國家將亡必有妖孽祥異之志非示誕也蓋以垂警戒勸修德也永和僻邑不繫休咎如地震蝗飛水旱霜雪兵戈病疫之類咸悉其事何地無之曾子固曰災殄之來雖治世不能使之無而能爲之備是在君子修德以勝之則異者亦常矣作祥異志

唐高祖武德七年九月黃河清 太宗貞觀四年秋雨雹
宋太祖建隆三年春雪盈尺溝洫復冰 神宗元豐六年七月雨雹如雞子大

永和縣志

卷十四

祥異考

一

元英宗至治二年春大旱秋大饑

明憲宗成化二十五年饑餓死者甚衆 武宗正德十四年秋夜雨雹小者如拳大者如杵水深三尺城中漂流男女三十餘口禾稼盡滅 世宗嘉靖十二年八月隕霜害及禾稼十三年民饑死者不知其數三十四年十二月十三日子時地震有聲室廬搖動穴居者多死四十三年大旱夏麥收三分之一秋禾收十分之二公稅不敷 神宗萬曆七八九年連遭大荒室如懸磬野無青草米珠薪桂境內餓莩他鄉流離者不知其數 懷宗崇禎元年春夏大旱八月始雨二年冰雹傷禾連歲災祲難以爲生五年冬降雪一十三日深丈

許適發營兵六百名城內防守三月廟宇民房高粱大棟胥作灰燼六七年大旱民間食草飯砂人相食慘不堪言莫甚於此九年豺狼成羣食人甚多知縣冀之元郭外祭禱卽止十年夏遭冰雹大如雞子傷禾民間大饑十二年八月十五日隕霜傷禾饑死人民甚衆十六年正月朔日食旣

清世祖順治五年秋蝗飛蔽日一過而穀黍無存止留蕎麥黑豆二種民饑而死徙者大半九年荷池內蓮開並頭邑人以爲兆良官武士豪之瑞 聖祖康熙三十四年八月隕霜禾稼盡殺三十五六連年大旱三十七年病疫逃亡幾盡知縣王輔詳請發翼城倉米煮粥賑濟四十七年九月二十一

永和縣志

卷十四

祥異考

二

日大雪四十八年九月十二日巳時地震自西南來十二月除夕大雪五十九年至六十年晉省連遭大旱永邑更甚米麥石至十金盜賊遍地餓莩盈野性命賤如草菅骨肉等於泥沙顛沛流離大爲慘傷 世宗雍正四年黃河清連年大稔九年麥豐收 高宗乾隆十年六月大雨房屋傾圮甚多二十四年大旱四十九年大饑五十九年歲歉 仁宗嘉慶五年秋禾被旱成災人民死亡甚衆二十年九月二十日地大震二十五年歲饑 宣宗道光二年瘟疫二十四年大旱死人無算二十六年夏秋大旱 文宗咸豐七年蝗飛害稼十一年七月長星昏見於南北長約十數丈 穆宗同治二

年狼出爲患食人無數永和關一帶更甚六年陝西捻匪擾亂沿河一帶大受驚惶調平陽鎮台何鳴臯防堵永和陰德各渡晝夜巡查罵不絕口賊懼遠颺永賴安謐七年五月瘟疫甚烈閣底村一月內死人七十餘八年豺狼結隊傷人更甚九年夏大水十一年冬大雪 德宗光緒三年荒旱異常饑饉並臻家無儋石野無寸草民苦乏食艱辛備嘗始則出售產業繼則鬻賣妻子草根樹皮掘剝亦盡甚至饑民相噬殘及骨肉僻巷無敢獨行者並有衣裳楚楚肆行搶奪一蹶輒不復起而倒斃半途者當道雖奏免錢糧開放倉穀多方賑濟而人民仍死亡枕藉約有十之七八四年豺狼成羣相

永和縣志

卷十四

祥異考

三

率噬人村邊無敢獨行者十七年春地震十八年夏旱蝗飛蔽日食苗殆盡至冬無收成甚奇寒黃河結冰行人往來可渡值至次年仲春始解二十五年正月十六日大雪溝渠約深五六尺路徑不通旬餘二十六年春大旱至六月十二日始降飽雨晚禾歉收七月忽起義和拳紅燈罩等妖異驅除洋貨洋人頗受影響隰州大甯蒲縣均行停考永和無大事故考試照舊舉行四五次後因通令一律停止三十三年秋酷熱非常人民頗異 宣統三年秋彗星見自東落西長數十丈 民國三年夏麥秋禾均歉收五年夏麥豐收六年六月陝匪郭堅擾境居民奔避旋經營長譚錦標軍隊拿獲二

百餘名奉令槍斃北關堡原坡底永境遂平八月大雨坡水
暴至城關街道盡成澤國損害房屋不少七年春隕霜殺麥
八年秋鼠疫甚厲死人不少九年五月十一日雨雹南莊閣
底諸村麥苗摧殘無遺九月十六日月食既十一月初七日
戌時地大震飛沙揚石黑氣冲天室廬爲之搖動傾塌壓死
人畜甚衆一連二三次約二三十分鐘旋天鼓鳴聲音如雷
自東南至西北真空前未有之奇事十年夏五月日暈東西
連列三環自辰至午始止十二年春三月晝大風壞牆拔樹
甚多十三年大旱夏麥收入十分之二三秋禾多未下種草
木均行枯乾冬十月梨花重開奇新可異十五年春三月二
十五大雨河水暴漲漂沒豬羊無數冬十月田間多鼠傷禾
甚厲署內捐款過重人民不堪其苦上憲尚可呈請體減當
時知事不察民隱執拘爲之十六年朔日大雪

叢載

一邑之乘有關係者分類別紀備載之矣惟零金碎玉有見
之斷簡殘碑者有得之俗說傳談者無類可入而又不可沒
者則歸諸叢載雖曰無關切要亦足爲考古證今之一助不
妨彙而誌之附記卷末以俟後之廣覽者參考之作叢載志
唐 兵部尚書劉和卽太尉劉訓之父原籍本縣桑壁里人
氏今查子孫遷於陝西延安清澗各地居焉

馬脊山路傍石盤上載一箭跡形頗肖相傳蓋蘇文追秦王李世民於此發箭落地留下之跡建立秦王廟鄉人屢次修葺至今仍存不廢

宋 避世埽前石路有馬蹄之形許多相傳爲宋太祖之馬踐踏者對面山聳殊難望見尙好避亂之佳地

元 烏龍山多柏古人稱柏爲烏龍識者因柏多而名其山也永人學不格物訛傳烏龍見於上舊志載之因不缺略

烏龍山有閣王廟閣王墳不知始自何代故俗名閣山有碑記雨摧蘚蝕字殘無考

圪列原前有一土岡形似臥牛頭足尾亦頗肖故人命名曰

永和縣志

卷十四

叢載

五

臥牛岡牛背建一觀音廟雖乏勝景經此地者無不繞道作一度之快遊也

明 永和王墓在汾郡孝義縣西三十里圪卓村墓前建立銅駝一座上載永和王府曹吏之名人傳王名濟烺晉恭王第六子永樂元年封於汾諡昭定食邑永和故名康熙年邑令王士儀兩拜其墓有詩弔之

查汾陽縣志卷五食封載補列於後以備參考

永和 王濟烺 晉恭王第六子 國汾州 諡昭定 子美塢 襲以罪廢 子順僖 王鍾缺 襲薨子榮懷 王奇消 襲薨子靖惠 王表棹 襲薨子安簡 王知燠 襲薨子新墪 襲薨子慎鐻 襲

公主湯沐邑北魏文成帝女西河成公主薛初古拔尙主西河公主薛洪祚尙主唐順宗第四女西河公主沈翬尙主道光三十年重修

補遺

明永和王濟烺 明史諸王世表新壇諡莊定慎鐻諡恭懿慎鐻後有敏霖一世此俱失載

捕狐山頂突出小山三四並峙而立遠望之頗肖人形故名曰人人圪塔

仙人泉在雙山相傳曾有仙人在此飲水並有坐地及兩腳踏地飲水之遺跡焉

永和縣志

卷十四

補遺

六

方言

天類 日日日頭月日月明星日星宿霞日炤早則占雨晚則占晴有早炤不出門晚炤曬死人之土語連虹形圓者曰降占晴形長者曰水確子占雨電閃曰打閃猛雨曰叢雨雹曰冷雨

地類 地之高聳者曰圪塔低下者曰坑又曰圪壩平塘者曰展翅平左右低而中起者曰圪嶺土之堅勁者曰膠泥土鬆和者曰黃土地疏散者曰沙土地田之阡頭曰地角頭田不分界曰犁溝耕種適宜曰合適

人類 士曰念書人農曰莊戶人工曰手藝人商曰買賣人

男女初許婚曰定親將娶納聘曰交錢相稱曰你我稱無品人曰嬾東西稱無職業以賭博謀生者曰光棍好言人短曰口打人好矜已長曰裝華鬼二八月朋友言不熱不涼泛交也一個鼻子出氣言二人如一相交最厚也人之無能爲者曰莫出息人之伶俐者曰緊幹壞東西言人之頑皮莫眼色言人之不知進退老實人曰好人狡猾者曰溜光錘稱先生曰先生呼同事曰夥計女再醮曰後走男初婚曰新女婿稱男子無妻者曰鰥公漢女子無夫者曰寡婦

物類 牛子曰犢馬子曰駒羊子曰羔猪子曰猪娃子鵲曰野鵲子烏曰老瓦守宮曰蠍虎蜘蛛曰蛛蛛玉蜀黍曰玉稻

永和縣志

卷十四

方言

七

黍高粱曰稻黍筆曰生活硯曰硯瓦籃曰籠兒盆曰盃兒鵲鳴爲報喜鴉啼爲報災又如蠶老一時麥熟一晌牝雞晨鳴鴟鴞夜啼均諺語也

按山川阻隔風俗異尚因之卽一方語言遂有不同若非詳爲解釋難明真意然一方之土語俚詞率多不堪載諸文字倘強爲附會勢必貽笑大方謹擇其稍近理者著之於篇以備觀風採俗之一助